

## Cofnodion Cyfarfod y 5ed Rhagfyr 2017

**Yn bresennol :-** Y Cadeirydd **Idris Thomas** a'r Cynghorwyr, Phyllis Ellis, Elfed Wyn Williams, Richard Ll Jones, Rhian Evans-Hill, Gwawr Wyn Roberts, Gareth Wyn Griffiths, Emma Chappell, Martin Davies a R. Hefin Williams  
Croesawyd y Cynghorydd Elwyn Jones

**Gweddi:** Offrymwyd gair o weddi gan Richard Ll Jones

### **1.Ymddiheuriadau.**

Jane Pierce, Sion Jones.

### **2.Datgan buddiant**

Dim

### **3. Cofnodion Cyfarfod 7fed Tachwedd 2017**

Derbyniwyd y Cofnodion fel rhai cywir.

### **4. Materion o'r cofnodion**

**Goryrru Dinorwig** – Derbyniwyd ymateb gan adran priffyrdd, yn datgan fod cyfyngiad o 30 mya o Rhes Fictoria hyd at pen draw Dinorwig, ac felly nid oes posibil gwneud dim. Gofynwyd i'r clerc yrru llythyr yn ôl yn datgan ei bod yn berygl ofnadwy o flaen Maes Eilian, a gyda cynifer o blant 20 – 25 sydd yn byw yno, oes posibil cael twmpathau er mwyn arafu ceir i lawr yno.

**Croesfan Brynrefail** – Derbyniwyd ymateb i gais am groesfan gan yr adran briffyrdd. Barn yr adran briffyrdd ydy fod y ddadl yma wedi cael cryn sylw dros y blynyddoedd, ac nid ydy'r adran briffyrdd yn teimlo fod y sefyllfa ar y safle wedi newid. Ond, mae cyflymdra mae gyrrwyr yn mynd heibio y fan yn cynyddu, ac erbyn hyn mae yna lawer mwy o geir ar y ffordd, a hyn yn cynyddu yn flynyddol. Mae yna bryder yn ystod y gaeaf pan mae hi yn dechrau tywyllu, yn amser plant adref o'r ysgol. Mae yna bobl yn troi funud olaf hefyd am y Caban. Mae'r arwydd Y Caban yn rhy fach ac angen ei oleuo. Mae yna golau stryd hefyd sydd ddim cweit ar gongol y groesfan, ac efallai y buasai hynny yn gwella y sefyllfa yno. Llythyrru eto gyda'r pwyntiau yma.

**Diolch** – Derbyniwyd llythyr o ddiolch gan ysgrifennydd Eisteddfod Gadeiriol Deiniolen yn gwerthfawrogi haelioni blynyddol Y Cyngor Cymuned tuag at yr Eisteddfod ac yn wir sydd yn gefnogaeth barhaus i ddigwyddiadau diwylliannol a chymdeithasol ein bro, ac yn nodi fod yr Eisteddfod wedi bod yn llwyddiannus iawn eleni.

**Coed Afalau** – Rydydm wedi bod yn llwyddianus yn ein cais am goed afalau i'r 4 ysgol gynradd y plwyf. Bydd dyddiad yn cael ei glustnodi gan y Parc Cenedlaethol tuag at ddiwedd mis Ionawr i ymweld a'r ysgolion a plannu'r coed. Y clerc i gysylltu gyda'r peneithiaid ynglyn a hyn.

**Cae Bwthyn** – Derbyniwyd cadarnhad y bydd swyddog o'r Cyngor Sir yn ymweld a'r cyngor Cymuned ym mis Ionawr i drafod dyfodol y safle.

**Grwp Cynefin** – Bydd swyddog o'r cwmni yn cynnal sesiwn galw i mewn yn Tŷ Elidir Dydd Iau 14eg rhwng 3 a 6:30 i drafod anghenion tai yn Neiniolen, a posibiliadau i breswylwyr sydd yn tanfeddiannu.

**Llwybr 69 Cefn Braich Rhiwlas** – Mae preswylwyr ardal Rhiwlas yn ddiolchgar iawn fod y ffôs wedi ei agor ar y llwybr yma ac nid oes dŵr yn gorlifo ar y llwybr mwyach.

### **5. Gohebiaeth a materion eraill**

**LLechi Cymru, Safle Treftadaeth y Byd** – Mae adran Economi a Chymuned y Cyngor Sir,

wedi paratoi cais i Gronfa dreftadaeth y Loteri. Gyrrwyd llythyr o gefnogaeth ganddom i'r cais yma, gan obeithio y bydd llwyddiant i'r prosiect ac y gwelwn ddatblygiadau yn ein hardaloedd.

## **6. Cynllunio**

### ***Datblygiad 7 Ty ger Stâd Rhoslan.***

Ddiwedd Tachwedd, penderfynodd pwyllgor cynllunio Gwynedd dderbyn y cais yma ac y safle gyferbyn a Cremlyn Bethel, a'r ddau safle wedi cael eu derbyn fel safleoedd yn y ffiniau newydd cynllunio.

Mae yna bryder mawr ym Methel ynglyn a'r effaith o adeiladu tai ar y systemau dwr a carffosiaeth presennol. Pythefnos yn ôl, cafwyd llyfogydd mawr a oedd yn esiampl eithafol, ac mae hyn yn cwestiynnu pam mae Dŵr Cymru yn cefnogi ceisiadau cynllunio mewn ardal ac ar dir lle mae problemau o'r fath.

Bellach, mae'r Cyngor Sir yn oedi a dal ar unrhyw geisiadau cynllunio ym Methel, hyd nes bydd Dŵr Cymru wedi cynnal arolwg llawn a'r cyngor wedi derbyn adroddiad cynhwysfawr o hynny. Gofynnwyd i'r clerc yrru llythyr cefnogol i'r Cyngor Sir.

### ***Ceisiadau a dderbyniwyd yn ystod y mis:***

***Llys Brynrefail*** – Estyniad Cefn ar gyfer Cwt Ci.

***Parc Nant y Garth*** – Newid defnydd sied coedwigaeth a cwmpawnd i uned storio a chynnal a chadw ar swyddfeydd safle symudol ac unedau toiledau ynghyd a chreu mynedfa newydd.

***Ty Mawr, Dinorwig*** – Estyniad Deulawr

***Tir Ger Pant Sardis*** – Diwygio amod cynllunio 2 o ganiatad cynllunio gan symyd y compownd 2 fedr tua'r gorllewin o fewn yr un ffin safle er osgoi niwed i goed.

***Cae Bach, Penisarwaun*** – Estyniad yn y cefn ynghyd a phorth newydd

***6 Rhydfadog*** – Estyniad blaen

## **7. Drafft Panel Annibynnol Cymru**

Cafwyd trafodaeth ynglyn a'r draft a'r Taliadau i Aelodau Y Cyngor Cymuned

### **Penderfynnwyd ar y Canlynnol:**

#### **Penderfyniad 44:**

**Cytunwyd NA fuasai y Cyngor yn Talu £150 y flwyddyn i aelodau am gostau ,mewn perthynas a defnyddio'r ffôn, defnyddiau traul a.y.b.**

#### **Penderfyniad 45:**

**Ddim yn berthnasol i Gyngor Cymuned Llanddeiniolen**

#### **Penderfyniad 46:**

**Cytunwyd NA fuasai y Cyngor Cymuned yn talu taliad blynyddol o £500 i hyd at 5 aelod gydnabod cyfrifoldebau penodol.**

#### **Penderfyniad 47:**

**Cytunwyd y Byddai y Cyngor Cymuned yn talu costau teithio priodol (lwfansau milltiroedd Cyllid a Thollau neu gludiant cyhoeddus) ar gyfer mynychu dyletswyddau cymeradwy os buasai cais yn cael ei gyflwyno.**

#### **Penderfyniad 48:**

**Cytunwyd NA fuasai y Cyngor yn talu am arhosiad dros nos ar gyfer dyletswydd penodol.**

#### **Penderfyniad 49:**

**Cytunwyd NA fyddai'r Cyngor Cymuned yn talu iawndal am golled ariannol. Lle mae**

colled o'r fath wedi cael ei hysgwyddo mewn gwirionedd, o ganlyniad i fod yn bresennol i gyflawni dyletswyddau Y Cyngor.

**Penderfyniad 50:**

**Cytunwyd NA fyddai'r Cyngor Cymuned yn talu am ddarparu costau angenrheidiol ar gyfer plant ac oedolion dibynnol ac am gostau ychwanegol a ysgwyddwyd gan aelodau er mwyn iddynt gyflawni eu dyletswyddau cymeradwy.**

**Penderfyniad 51:**

**Cytunwyd NA fyddai Cyngor Cymuned yn talu i Gadeirydd y Cyngor i gyflawni swyddogaethau'r swydd honno.**

**Penderfyniad 52:**

**Cytunwyd NA fyddai'r Cyngor Cymuned yn talu i ddirprwy Gadeirydd Y Cyngor i gyflawni swyddogaethau'r swydd honno.**

## **8. Cyllideb a Praesept 2018/2019**

Nodwyd y taliadau statudol sydd ganddom yn flynyddol. Yna aed ymlaen i roi amcanbris lawr yn erbyn rhestr o daliadau a wnaethpwyd llynedd, ac mwy neu lai run fath eleni.

Cafwyd lluo o awgrymiadau gan aelodau:

Adnol gyfrifiadurol ym mhob pentref, swm o arian tuag at prosiect i sbarduno diddordeb.

Gwneud defnydd o Hen giosc BT. Adnod yn dehongli hanes yr ardal lechi yn Allt Ddu a Deiniolen, Diffib, Plannu mewn potiau mawr blodau yma ac acw o fewn pentrefi.

Cydweithio gyda Cyngor Sir i gael llinellau dwbwl lawr un ochor o'r lon o'r ysgol i Siop Gron ym Mhenisarwaun er mwyn cael llwybr diogel i'r ysgol. Cysgodfannau bws, biniau halen, hysbysfwrdd, mwy o arian i Neuadd bentref. Arwydd gwell i bentref Rhiwlas

Penderfynwyd mae'r cam nesaf ydi i'r clerc lenwi y bylchau yn y draft gyllideb, a penderfynnu ar y syniadau a'r gôst a praesept ym mis Ionawr.

## **9. O Gwmpas y Bwrdd**

**Brynrefail** – Nid oes toriad yn y tyfiant rhwng yr arwydd 30mya wedi bod ar y Lôn o'r Hen Ysgol i'r briffordd. Y clerc i gysylltu a adran llwybrau.

**Rhiwlas** – Mae dwr yn dal i redeg lawr yr allt heibio Ysgoldy. Cysylltu eto. Mae dail heb eu llunau ar balmentydd sydd yn beryg gan eu bod yn llithrig.

**Penisarwaun** – Paent ar y llinellau melyn wedi gwisgo ac mae pobl yn parcio eu ceir yno, sydd yn beryg bywyd pan mae plant yn mynd a dod o'r ysgol.

**Deiniolen** – Capel Ebeneser, Nid yw'r prynwr wedi llwyddo i godi'r arian i dalu am y capel, felly bydd cynlluniau ar dro gan aelodau'r capel unwaith eto.

**Stryd Deinio** – Llain o dir ger bynglo Bro Deiniol wedi cael ei werthu yn breifat gan CCG. Pam na ddaeth y tir yma i sylw y cyhoedd. Llythyr i Ffrancon Williams.

**Allt Ddu** – Bws mini wedi ei barcio yno ers tua 2 fis a heb ei symyd wedi ei ddympio. Hyn yn creu rhwystr amgylcheddol ac yn creu cysail i bethau eraill gael eu gadael yno ar ffordd gyhoeddus. Cysylltu a'r adran amgylcheddol i'w symyd oddi yno heb oedi.